

erwürgt etc.
Könige der
Midianiter etc.

Midianiter erwürgten sie sampt iren erschlagenen / nemlich / Eui / Rekem / Zur / Hur vnd Reba / die fünff Könige der Midianiter / Bileam den son Beor erwürgten sie auch mit dem schwert. Vnd die kinder Israel namen gefangen die Weiber der Midianiter vnd ire Kinder / alle jr Vieh / alle ire Habe / vnd alle ire Güter raubten sie. Vnd verbranten mit feur alle ire Stedte irer wonung vnd alle Büрге.

Bileam
erwürgt.
Josu. 13.

VND namen allen Raub / vnd alles was zu nemen war / beide Menschen vnd Vieh / vnd brachten zu Mose vnd zu Eleasar dem Priester / vnd zu der Gemeine der kinder Israel / nemlich / die Gefangenen / vnd das genommen Vieh / vnd das geraubt Gut / ins Lager auff der Moabiter gesilde / das am Jordan ligt gegen Jeriho. Vnd Mose vnd Eleasar der Priester vnd alle Fürsten der gemeine giengen jnen entgegen hin aus fur das Lager.

VND Mose ward zornig vber die Heubtleute des Heers / die Heubtleute vber tausent vnd hundert waren / die aus dem Heer vnd streit kamen / vnd sprach zu jnen / Warumb habt jr alle Weiber leben lassen? Sibe / haben nicht die selben die kinder Israel / durch Bileams rat abgewendet sich zuuer sündigen am HERRN vber dem Peor / vnd widerfuhr eine Plage der Gemeine des HERRN: So erwürgt nu alles was menlich ist vnter den Kindern / vnd alle Weiber die Menner erkand vnd beygelegen haben. Aber aller kinder die Weibsbilde sind vnd nicht Menner erkand noch beygelegen haben / die lasst fur euch leben. Vnd lagert euch aussere dem Lager sieben tage / alle die jemand erwürgt oder die Erschlagene angerürt haben / das jr euch entsündiget / am dritten vnd siebenden tage / sampt denen die jr gefangen genommen habt. Vnd alle Kleider vnd alle Gerete von fellen / vnd alles pelzwerck / vnd alles hülzert Gefess / solt jr entsündigen.

Bileams
rate.

VND Eleasar der Priester sprach zu dem Kriegsvolck / das in streit gezogen war / Das ist das Gesetz / welchs der HERR Mose geboten hat. Gold / silber / erz / eisen / zinn vnd bley / vnd alles was das feur leidet / solt jr durchs feur lassen gehen / vnd reinigen / das mit dem Sprengwasser entsündiget werde. Aber alles was nicht feur leidet / solt jr durchs wasser gehen lassen / vnd solt ewre Kleider wasschen am siebenden tage / so werdet jr rein / Darnach solt jr ins Lager komen.

VND der HERR redet mit Mose / vnd sprach / Nim die summa des Raubs der Gefangen / beide an Menschen vnd Vieh / du vnd Eleasar der Priester / vnd die obersten Veter der gemeine. Vnd gib die helffte / denen / die ins Heer ausgezogen sind / vnd die schlacht gethan haben / vnd die ander helffte der Gemeine. Vnd solt dem HERRN heben von den Kriegslenten die ins Heer gezogen sind / ja von fünff hundertten eine Seele beide an Menschen / rindern / eseln vnd schafen / von jrer helffte soltu es nemen / vnd dem Priester Eleasar geben zur Hebe dem HERRN. Aber von der helffte der kinder Israel / soltu ja von fünfziggen nemen ein stück guts / beide an Menschen / rindern / eseln vnd schafen / vnd von allem Vieh / vnd solts den Leuiten geben / die der Hut warten der wonung des HERRN.

VND Mose vnd Eleasar der Priester thaten wie der HERR Mose geboten hatte. Vnd es war der vbrigen Ausbeute / die das Kriegsvolck geraubet hatte / sechs mal hundert vnd fünf vnd siebenzig tausent schafe / zwey vnd siebenzig tausent rinder / ein vnd sechzig tausent esel. Vnd der Weibsbilde die nicht Menner erkand noch beygelegen hatten / zwey vnd dreissig tausent seelen.

Aus
beute.

VND die helffte / die denen / so ins Heer gezogen waren / gehört / war ander zal drey hundert mal vnd sieben vnd dreissig tausent vnd fünf hundert schafe / Davon wurden dem HERRN sechs hundert fünf vnd siebenzig schafe. Item / sechs vnd dreissig tausent rinder / Davon wurden dem HERRN zwey vnd siebenzig. Item / dreissig tausent vnd fünf hundert esel / Davon wurden dem

den dem